

ԷԿՈԼՈԳԻԱԿԱՆ ՊՐՈԲԼԵՄՆԵՐԻ ԼՈՒԾՈՒՄԸ
ՍՈՎԵՏԱԿԱՆ ՀԱՅԱՍՏԱՆՈՒՄ

ՇԻՐԱԶ ՄԱՐՏԻՐՈՍՅԱՆ

Արդիականության համապարփակ պրոբլեմների շարքում առաջնահերթ նշանակություն ունեն բնության պահպանությունը և նրա հարստությունների արդյունավետ օգտագործումը: Հասարակության հետադա համակողմանի դար-դացման և անհատի անվտանգ դոյության ապահովմանը վերաբերող էկո-լոգիական այդ պրոբլեմների լուծումը դարձել է սոցիալ-տնտեսական ու քա-ղաքական համակարգերի առջև ծառացած ամենահրատապ խնդիրներից մեկը: Զարգացած սոցիալիզմի պայմաններում բնությունից օգտվելու եղանակը հիմնվում է այնպիսի սկզբունքային առավելության վրա, ինչպիսին արտադր-րության միջոցների հանրային սեփականությունն է: Սոցիալիզմի առավելու-թյունների թվում են նաև տնտեսական ու սոցիալական զարգացման պետական պլանավորումը, բնության պահպանության օրենսդրությունը, էկոլոգիական կրթության ու դաստիարակության համաժողովրդական բնույթը, սոցիա-լիստական ինտելլիգենցիայի լինձեռած հնարավորությունները և այլն: Մեր հա-սարակարգի այդ սկզբունքային, պատմական առավելություններն ընկած են ՍՄԿԿ էկոլոգիական քաղաքականության հիմքում, որը հաջողությամբ իրա-կանացվում է աշխարհում առաջին սոցիալիստական երկրում:

Շրջապատող միջավայրի պահպանության և բնական ռեսուրսների արդյունավետ օգտագործմանը մեծ ուշադրություն է դարձվում ինչպես ամբողջ ԼՊԻՅՈՒՄԻՆՈՒՄ, այնպես էլ Սովետական Հայաստանում, որն ունի զարգացած բազմաճյուղ արդյունաբերություն¹, գյուղատնտեսություն և բնակչության մեծ խտություն (մեկ քառ. կմ վրա ավելի քան 100 մարդ): Հատկանշական է, որ Հայկական ՍՍՀ-ում բնության պահպանության մասին օրենքն ընդունվել է ավելի քան քսան տարի առաջ՝ 1958 թ.: Նման օրենքի ընդունումն իր դրական դերն է կատարել և շարունակում է կատարել մեր հանրապետությունում բը-նության պահպանության հետսգա բարելավման գործում: Ավելի ուշ, երբ նշված բնագավառներում պրոբլեմները դարձան անհամեմատ ավելի բարդ ու մասշտաբային, ՀՍՍՀ Գերագույն սովետը որոշում ընդունեց (1973 թ. մայիսի 25-ին) «Հայկական ՍՍՀ-ում բնության պահպանության հետագա բարելավման և բնական ռեսուրսների ռացիոնալ օգտագործման միջոցառումների մասին»: Այդ որոշմամբ պետական կարևորագույն խնդիր համարվեց բնության պա-հպանության բարելավումն ու բնական ռեսուրսների արդյունավետ օգտագոր-ծումը, հողի, ընդերքի², անտառների, ջրերի, կենդանական ու բուսական

¹ Այս մասին հանգամանորեն տե՛ս Ա. Մ. Կիրակոսյան, Ինդուստրիալ Հայաս-տան, Երևան, 1977:

² Ընդերքի պահպանության հարցում առանձնահատուկ կարևորություն ունի ՀՍՍՀ Գերա-գույն սովետի 1976 թ. հունիսի 25-ի որոշումը՝ «Ընդերքի վերաբերյալ Հայկական Սովետական մոցիալիստական Հանրապետության օրենսգիրքը հաստատելու մասին» («Ընդերքի վերաբերյալ Հայկական Սովետական մոցիալիստական Հանրապետության օրենսգիրք», Երևան, 1976, էջ 3):

աշխարհի, մթնոլորտային օդի պահպանության վերաբերյալ օրենսդրությանը խստիվ կիրառումը³:

Սովետական Հայաստանում շրջապատող բնական միջավայրի պահպանության գործում կարևորագույն նշանակություն ունեցավ ՍՄԿԿ Կենտկոմի և ՍՍՀՄ Մինիստրների խորհրդի 1975 թ. ապրիլի 16-ի որոշումը՝ «Հայկական ՍՍՀ-ում ժողովրդական տնտեսության հետագա միջոցառումների մասին»: Նկատի ունենալով, որ շրջապատող միջավայրի պահպանությունը տնտեսական ու սոցիալական դարգացման համար շահագնաց կարևոր է, կուսակցության և կառավարության համատեղ որոշումը այդ բնագավառում նախատեսեց առանձնահատուկ միջոցառումներ: 1976-1980 թթ. մեր հանրապետությունում էկոլոգիական պրոբլեմների կոմպլեքսային լուծման համար, անտարակույս, վճռական դեր են խաղում ՍՄԿԿ XXV և ՀԿԿ XXVI համագումարների որոշումները:

Սովետական Հայաստանում տիրող արդի էկոլոգիական իրադրության բացասական կողմերի և դրանց հաղթահարման ուղիների մասին լիարժեք պատկերացում կազմելու համար անհրաժեշտ է նկատի ունենալ առնվազն երկու հանգամանք. առաջին, հանրային արտադրության դարգացման տեմպերը և, երկրորդ, հանրապետության բնակլիմայական պայմաններն ու տարածքային հնարավորությունները: Բավական է նշել, որ 10-րդ հնգամյակում ՀՍՍՀ-ում արդյունաբերական արտադրանքի ծավալը մեծանալու է 43-47, իսկ գյուղատնտեսության համախառն արտադրանքի տարեկան միջին ծավալը՝ 22-25%-ով⁴: Ինչ վերաբերում է բնակլիմայական պայմաններին, ապա Հայաստանը սակավաջուր, սակավահող և, ըստ էության, անտառներով աղքատ հանրապետություն է՝ նման պայմաններում շահագնաց մեծ, նույնիսկ կարելի է ասել բախտորոշ նշանակություն ունի ճիշտ և հեռանկարային էկոլոգիական քաղաքականություն վարելը, այսինքն՝ հանրապետությունում գոյություն ունեցող էկոլոգիական լարվածության թուլացմանը և տնտեսական ու սոցիալական հետագա դարգացման ծրագրերում էկոլոգիական գործոնի մշտական հաշվառման հասնելը: Այստեղ էական նշանակություն ունեն ինչպես ժողովրդական տնտեսության դարգացման կառուցվածքում կատարվող բարեփոխումները, այնպես էլ բուն էկոլոգիական միջոցառումների մշակումն ու պլանաչափ իրականացումը: Այսպես, 1976-1980 թթ. նախատեսվեց հանրապետությունում «մեքենաշինության ոչ մետաղատար ճյուղերի՝ էլեկտրոնային, ռադիոտեխնիկական, էլեկտրատեխնիկական, հաստոցագործիքաշինական արդյունաբերության և սարքաշինության դարգացում»⁵: Դժվար չէ նկատել, որ սրանք արդյունաբերության այն ճյուղերից են, որոնք, ըստ էության, շրջապա-

³ Այս կասկածնությունը մեծ նշանակություն են ստանում իրավական նորմաների համակարգի կատարելագործումը և այդ նորմաների (սանկցիաների) կիրառման կարգի կատարելագործումը: Նշված հարցերի հանգամանային ուսումնասիրությունը տե՛ս Ռ. Զ. Ավագյան, Բնության իրավական պահպանությունը Հայկական ՍՍՀ-ում, Երևան, 1979:

⁴ ՍՄԿԿ XXV համագումարի նյութերը, Երևան, 1976, I, 345:

⁵ Այդ առումով, միանգամայն հրատապ նշանակություն ունի Հայկական ՍՍՀ Գերագույն սովետի 1979 թ. հունիսի 29-ի որոշումը՝ «Հայկական ՍՍՀ անտառների պահպանության հետագա բարելավման և անտառային ռեսուրսների արդյունավետ օգտագործման միջոցառումների մասին» (Սովետական Հայաստան, 3. VII. 1979):

⁶ Նույն տեղում, 22. I. 1976:

տող միջավայրը չեն ապականում: Ինչ վերաբերում է մեր հանրապետության լուծմանը, ընթացիկ էկոլոգիական քաղաքականության հիմնական ուղղություններին, ապա դրանք ներառում են ապականումից շրջապատող բնության այնպիսի կենսական տարրերի պաշտպանումը, ինչպիսիք են՝ ջուրը, օդը և հողը:

Շրջապատող բնական միջավայրի պահպանման և բարելավման նկատմամբ ցուցաբերվող կուսակցական և պետական հոգատարությունը հաստատվում է այն անժխտելի փաստով, որ էկոլոգիական միջոցառումների մշակման և իրականացման համար տրամադրվող ֆինանսական միջոցները շարունակ աճելու են: Միայն 1976-1980 թթ. այդ նպատակով տրամադրվել են շուրջ 600 միլիոն ռուբլու կապիտալ ներդրումներ⁷: Այդ գումարի մեջ մտցված են նաև մեկտրատիվ աշխատանքների կատարման համար հատկացված ծախսերը:

Շուրջ 600 միլիոն ռուբլու կապիտալ ներդրումներից 125 միլիոնը տրամադրված է հանրապետության ջրային պրոբլեմների լուծմանը (ջրային ռեսուրսների արդյունավետ օգտագործմանն ու ջրային ավազանների մաքրության պահպանմանը): Ջրային ռեսուրսներով աղքատ մեր հանրապետությունում ևս հանրային արտադրության բուն զարգացումն անհրաժեշտաբար ուղեկցվում է տեխնոլոգիական նպատակով ջրի օգտագործման մեծացմամբ: Ինչդեռ բարդանում է նրանով, որ այդ նպատակով օգտագործված ջուրը գերազանցապես ապականվում է, որի հետևանքով պահանջվում է թարմ ջրի նոր բանակություն: Ուստի առաջին պլան է մղվում ջրային ռեսուրսների արդյունավետ օգտագործումը, որին կարելի է հասնել ջրանդրադարձ տեխնոլոգիական պրոցեսների արևատափորմամբ: Այս հարցի լուծման հետ կապված կոնկրետ խնդիրները հանգում են շրջադարձ փակ ջրամատակարարման սխեմաներ ստեղծելուն («Նաիրիտ» գիտաարտադրական միավորումում, Երևանի «Պոլիմիլիայացետա», ավտոդոզերի և Կիրովականի քիմիական գործարաններում, Ալավերդու լեռնամետալուրգիական կոմբինատում): Հաշվարկված է, որ նոր տեխնոլոգիական պրոցեսների ներդրմամբ շրջադարձ ջրի օգտագործումը կավելանա 70%-ով: Իսկ 1981 թ. պետք է ավարտվի Քանաքեռի ալյումինի գործարանի փոխադրումը ջրամատակարարման շրջանոս սխեմայի, որը թույլ կտա առավելագույն չափով կրճատել թարմ ջրի օգտագործումը: Ինչ վերաբերում է հանրապետությունում ջրային ավազանների մաքրության պահպանմանը, ապա այստեղ առաջնահերթ նշանակություն ունեն ինչպես մաքրման կառուցվածքների, այնպես էլ թափոնների պահեստարանների շինարարությունը: Ընթացիկ հնգամյակի տարիներին մաքրման կառուցվածքներ են ստեղծվում հանրապետության խոշոր քաղաքներում (Լենինական, Կիրովական և այլն) և շրջակենտրոններում: Ավարտվել են Երևանի անրացիայի կայանի երկրորդ հերթի և Չարենցավան-Երևան մագիստրալային կոյուղու կոլեկտորի շինարարությունը: Ավարտվել են նաև Ալավերդու լեռնամետալուրգիական կոմբինատի խարամների պահեստարանի և Ջանգեզուրի պղնձամոլիբդենային կոմբինատի հարստացուցիչ ֆաբրիկայի թափոնների տեղափոխման և կուտակման համալիրի կառուցումը: Այդ համալիրի առաջին հերթը հնարավորություն է տալու

⁷ Նույն տեղում, 20, X, 1977:

կուտակել 44 միլիոն խորանարդ մետր թափոն, իսկ լրիվ շահագործման դեպքում նրա կարողությունը կհասնի 146 միլիոն խորանարդ մետրի՝ Ավելին, 1983 թ. պետք է ավարտվի համալիրի պոչամբարում պարզեցված կեղտաջրերի յիմիական մաքրման կառուցվածքների շինարարությունը: Բացի այդ կոմպլեքս միջոցառումների իրականացմամբ հնարավորություններ են ստեղծվել դադարեցնելու կամ նվազագույնի հասցնելու կեղտաջրերի հոսքը Հրազդան, Դեբեդ, Ողջի գետերը:

Սովետական Հայաստանի ջրային ռեսուրսների արդյունավետ օգտագործման և ջրային ավազանների մաքրության պահպանման բնագավառում առանձնահատուկ նշանակություն ունի Սևանի պրոբլեմի արմատական լուծումը: Սևանա լճի օրինակը վկայում է, որ հեռանկարային էկոլոգիական քաղաքականություն վարելու տեսանկյունից բնության պահպանության հարցերի նկատմամբ օբյեկտիվորեն պահանջվում է կոմպլեքսային մոտեցում: Բանն այն է, որ Սևանի ջրերը տասնամյակներ առաջ դիտվել են որպես հանրապետության ժողովրդական տնտեսության զարգացման համար անհրաժեշտ էլեկտրաէներգիայի ստացման և անջրդի հողերի ոռոգման միակ խոշոր աղբյուր: Ուստի լճի ջրային դարավոր պաշարների մասշտաբային օգտագործումը համարվել է տնտեսապես միանգամայն ցանկալի, օգտակար: Բայց այսօր մենք ականատես ենք անցանկալի միջնորդավորված հետևանքների, որոնք ի հայտ են եկել օբյեկտիվ և սուբյեկտիվ պատճառներով: Եվ այստեղ առաջին հերթին պետք է նշել Սևանա լճի մակարդակը բնականից ավելի քան 18 մետր իջեցվելու մասին՝ էկոլոգիական և ժողովրդատնտեսական (ոռոգման ու էներգետիկ) տեսանկյունից խիստ անցանկալի այդ երևույթը չէր կարող անտարբերության մատնվել: Տարիներ առաջ, հստակ գիտակցելով Սևանին և հանրապետության ժողովրդական տնտեսության հետագա զարգացմանը ուղղակիորեն վտանգի մասշտաբները, սովետական կառավարությունը միլիոնավոր ռուբլիների հասնող կսույիտալ ներդրումներ կատարեց համաշխարհային պրակտիկայում եզակի հիդրոտեխնիկական կառույցի՝ Արփա-Սևան ջրատարի շինարարության համար: Այդ ջրատարի շնորհիվ, որի կառուցումը մոտենում է ավարտին, լճի մակարդակը պահպանվելու է բնականից 19-20 մետր ցածր մակարդակի վրա: Ոնոր նիշում լճի հայելու տարածությունը կկազմի մինչև ցեղման ժամանակաշրջանի 86,5 տոկոսը, առավելագույն խորությունը՝ 80 տոկոս, իսկ ջրի դարավոր պաշարների ծավալը՝ 56 տոկոս¹⁰: Հաշվարկված է, որ լճի այդ նիշի դեպքում ջրային հաշվեկշիռը կունենա հետևյալ

Ավելացնենք, որ արդյունաբերական ձեռնարկությունների մի շարքի մասը ղեկավարվում է միջավայր արտազատել ալյուր կարգի թափոններ, և այսօր առաջին պլան է մղվում դրանց ուտիլացման հարցը: Կասկած չի հարուցում այն իրողությունը, որ առանց արդյունաբերական և կենցաղային թափոնների օգտագործման չի կարող լիարժեք լինել բնական միջավայրի պահպանման աշխատանքը: Դեռ ավելին, առաջին գործածությունից դուրս մնացած նյութերի վերաօգտագործումը մի կողմից նպաստում է բնական ռեսուրսների արդյունավետ օգտագործմանն ու հանրային արտադրության արդյունավետության բարձրացմանը, իսկ մյուս կողմից՝ հնարավորություն տալիս շրջապատող միջավայրին՝ զերծ մնալու բացասական ներգործությունից:

Սևանա լճի մակարդակի իջեցման սոցիալ-տնտեսական պատճառների մասին հանգամանորեն տե՛ս Գ. Կ. Գաբրիելյան, *Жемчужный Севан*, М., 1978, էջ 57—62:

¹⁰ «Советский Союз. Географическое описание в 22 томах. Армения», М., 1966, էջ 280:

պատկերը. մուտքը՝ 1154 միլիոն խորանարդ մետր, իսկ ելքը՝ (զուլուրշիացման և ստորգետնյա հոսքերի ձևով) 984 միլիոն խորանարդ մետր: Պարզ է, որ լճից սկիզբ առնող միակ ղեռի՝ Հրազդանի, ազատ հոսքի պաշարը կկազմի ավազանում ջրի մուտքի և ելքի տարբերությունը՝ 170 միլիոն խորանարդ մետր¹¹: Բայց Սևանի նշված մակարդակը պահելով հանգերձ, անհրաժեշտ է շարունակել ոռոգման և էներգետիկ պահանջարկների բավարարումը: Այդ նպատակով լճից վերցվող ջրի տարեկան նվազագույն քանակությունը 500 միլիոն խորանարդ մետր է: Այստեղից էլ ծագում է լրացուցիչ ավելի քան 300 միլիոն խորանարդ մետր ջուր հայթայթելու խնդիրը, որը թույլ կտար լճի մակարդակի հետագա իջեցումը դադարեցնելով հանգերձ՝ բավարարել գյուղատնտեսության և արդյունաբերության պահանջարկները: Հենց այդ նպատակին է ծառայում Արփա—Սևան ջրատարի կառուցումը: Արփայից Սևանա լիճ տարեկան կփոխադրվի 250—300 միլիոն խորանարդ մետր, այնքան, որքան պահանջվում է Սևանա լճի մակարդակի իջեցումը դադարեցնելու, Հրազդանի կասկադի և ոռոգիչ սխեմայի՝ ջրի նկատմամբ ունեցած նվազագույն կարիքները բավարարելու համար¹²:

Սակայն որքան էլ անհավանական թվա, Արփայի ջրերով Սևանի պրոբլեմը չի լուծվում, քանի որ այժմ արդեն ծառացել է կապտականաչավուն ջրի մուտքներից լճի մարման անհրաժեշտությունը: Ջրի մակարդակի կայունացումը քննականից 19--20 մետր ցածր նիշի վրա լճի «ծաղկման» դեմ պայքարի տեսանկյունից գործնական նշանակություն չի ունենա, որովհետև Սևանի մակարդակը կայունացվում է հենց այն նիշում, որի դեպքում սկսվել է ջրավազանի «ծաղկման» միանգամայն անցանկալի պրոցեսը: Բանն այն է, որ կապտականաչավուն ջրի մուտքի բաղմացումը պայմանավորված է թթվածնի անհրաժեշտ քանակության պակասեցմամբ, որի պահանջով քանակության առկայության դեպքում դրանք չէին կարող տարածվել: Ներկա պայմաններում Հնդկական այդ հաշվեկշիռը խախտված է մարդու կողմից: Ինչպես լճի մակարդակը 18 մետր իջնելու հետևանքով, հատկապես Մեծ Սևանում, ջրի շերտը տաքանում է մինչև հատակը: Սրան հետևում է խորքային տիղմնում կուտակված օրգանական ֆրակցիաների արագ քայքայման պրոցեսը, որը և առաջ է բերում ջրում լուծված թթվածնի քանակության պակասեցում, այսինքն այն, ինչ անհրաժեշտ է ջրի մուտքների բաղմացման համար: Այս անցանկալի Հնդկական պրոցեսը հետագա դարձացում է ապրում լիճ տեղափոխվող արդյունաբերական և կենցաղային թափոնների պատճառով: Այդ թափոնները մեծ քանակությամբ օրգանական նյութեր են պարունակում, որոնց օքսիդացման համար անհրաժեշտ թթվածինը վնասվում է ջրից, որտեղ այն գտնվում է լուծված վիճակում: Օքսիդացման պրոցեսում առաջանում են աղտոտվ և ֆոսֆորով հարուստ անօրգանական աղեր, որոնք բարենպաստ են լիճի միջավայր են ստեղծում: Նիշյալ ջրի մուտքների վարձացման համար Բայց արագ վարձացող ու արագ ոչնչացող ջրի մուտքներն արդեն իրենք են ջրավազանը սնում նոր օրգանական նյութերով, որոնց օքսիդացման համար կրկին օգտագործվում է լուծված թթվածինը: Այդ պրոցեսը, որը հայտնի է

¹¹ Նույն տեղում, էջ 281:

¹² Նույն տեղում:

էվտրոֆիկացիա անունով, վերջիվերջո կարող է հանգեցնել նրան, որ լիճը որպէս այգպիսին դաղարի դոյություն ունենալուց:

Այսպիսով, կարող ենք ասել, որ լճում կապտականաչավուն ջրիմուռնե-րի տարածման համար գոյություն ունի նրկու այստճառ. առաջին, լճի ջրի մակարդակի իջեցումը և, նրկրորդ, ջրային ավազանի ապականումը: Այդ ջրիմուռների տարածումը Սեանա լճում սկսվել է 1960-ական թվականներից: Պետք է նկատել, որ ջրավազանի ապականումը, մեծացնելով թթվածնի կեն-սաբանական պահանջարկը, ջրային զանգվածի ուժեղ շրջանառության բա-ցակայության պայմաններում հանգեցնում է նաև մերձհատակային շրջանում թթվածնի ընդհանուր քանակության նվազման, որը միանգամայն կործանա-ւար է ձկների համար: Սրան ավելացնենք, որ ոչնչացող ջրիմուռների մի մասը, կրկին թթվածնի պակասության հետևանքով, չի օքսիդանում և, կու-տակվելով հատակում, հակաէկոլոգիական միջավայր է ստեղծում ձկների համար: Սեանա լճում թթվածնային քաղցի առաջացմանը նպաստում է նաև ամենամյա սառցակալումը, որի տեղությունը ջրի մակարդակի անկման հետևանքով ավելի է մեծացել: Իսկ սառցակալումը խղրենդոտում է ջրային ավազանի և մթնոլորտի միջև գոյություն ունեցող գազափոխանակությանը: Նման պայմաններում չի բացառվում թթվածնի ընդհանուր պակասության հետևանքով ձկների զանգվածային ոչնչացումը: Այդ իսկ պատճառով նյա-տակահարմար է, որ ձմռան սմիսներին Սեանա լճում ևս անցկացվի ինտեն-սիվ աերացիա:

Կանգ առնելով Սեանի պահպանության հրատապ պրոբլեմների վրա՝ չպետք է մոռանալ, որ մեր պայմաններում այն բաղցրահամ ջրի հսկայական ջրամբար է, որի կորուստն աննշրելի է սակավաջուր մեր հանրապետության համար: Սեանը պահպանելու հաջորդ քայլը լիճը կեղտաջրերից ու թունավո-րումից զերծ պահելն է, որովհետև դրանք, ինչպես արդեն նշեցինք, սնուցիչ միջավայր են ստեղծում կապտականաչավուն ջրիմուռների արագ բազմաց-ման համար: Այդ նպատակն է հետապնշում մասնավորապես Զոդի հանքա-քաւի հիման վրա ոսկու կորզման ֆաբրիկայի կառուցումը ոչ թե՛ վարդենիսի, այլ Արարատի շրջանում: Փաստորեն Սեանի ջրամբարի պահպանման շահե-րից ելնելով՝ նպատակահարմար գտնվեց ոսկու կորզման ֆաբրիկան կառուցել միանգամայն այլ տեղում, որովհետև հանքաքարի վերամշակման համար օգտագործվող բիմիական լուծույթները (օրինակ, կալիումի ցիանիդը) չափա-զանց թունավոր են և կործանարար ազդեցություն կունենային Սեանի ջրա-վազանի կենդանական և բուսական աշխարհի վրա: Այլ խոսքով՝ դա նշա-նակում է, որ արտադրողական ուժերը տեղաբաշխելիս չպետք է ղեկավար-վել միայն տնտեսական արդյունավետության ապահովմամբ: Տվյալ դեպ-քում որոշ կորուստներ կրելով՝ վարդենիսից Արարատ հանքաքարի տեղա-փոխման համար, հասարակությունը շահում է էկոլոգիական տեսանկյունից: Սա նշանակում է չվարակված պահել Սովետական Հայաստանի համար էկո-լոգիական մեծ արժեք ունեցող Սեանա լճի ջրային դարավոր պաշարներու իհարկե, այդ նպատակին հասնելու հիմնական միջոցը: Սեանա լճի շուրջը հատուկ կոնկրորի կառուցումն է, որը թույլ չի տա կեղտաջրերի մուտքը ջրավազան: Սեանի պրոբլեմի կոմպլեքսային լուծման համար էական նշա-նակություն կունենան նաև ոռոգման համար բաց թողնվող ջրի ընդհանուր

քանակության պակասեցումը և լճի ջրի մակարդակի բարձրացումը: Այդ խնդիրների լուծմանն են ուղղված վերջին տարիներին ընդունված մի շարք որոշումներ:

Հայաստանի կոմկուսի Կենտկոմը և ՀՍՍՀ Մինիստրների խորհուրդը 1977 թ. ապրիլի 18-ին որոշում են ընդունել «Սևանա լճի բնական ոռոգումների պահպանման և ոռոգողական օգտագործման միջոցառումների մասին»: Այդ որոշման համաձայն կառուցվում է Սևանի ավազանի 14 պոմպակայաններով օղակաձև կոլեկտորը, որի կառուցմամբ բոլոր կեղտաջրերը դուրս կբերվեն Սևանի ավազանից: Սևանի ավազանի բնական ոռոգումների պահպանության և վերարտադրության համար մեծ նշանակություն ունի նաև Հայաստանի կոմկուսի Կենտկոմի և ՀՍՍՀ Մինիստրների խորհրդի 1977 թ. մարտի 14-ի որոշումը՝ «Սևան» աղբային դրոսային-թանգարանի ստեղծման մասին: Ինչ վերաբերում է ոռոգման նպատակով լճի ջրի օգտագործման պակասեցմանը, ապա դա հնարավոր կդառնա ՍՄԿԿ Կենտկոմի և ՍՍՀՄ Մինիստրների խորհրդի 1977 թ. ընդունած՝ «Հայկական ՍՍՀ-ում ոռոգելի հողատարածությունների հետագա զարգացման և արդյունավետության բարձրացման միջոցառումների մասին» որոշման կենսագործմամբ: Այդ որոշման համապատասխան մեր հանրապետությունում կառուցվում են 16 ջրամբարներ, շուրջ 1 միլիարդ խորանարդ մետր ընդհանուր ծավալով: Պետք է նկատի ունենալ, որ ջրի այդ քանակությունը 2,5 անգամ ավելի է, քան տարեկան ոռոգման նպատակով Սևանից վերցրածը: Ուստի նշված ջրամբարների կառուցման ավարտմամբ ուսումնասիրության ենթարկվող ընդհանուր ծավալը կավելանա 10 միլիարդ խորանարդ մետր ջրով, որը կստանա Սևանը, հենց ծառայում է այդ նպատակին¹³: Այս ամենը ցույց է տալիս, որ ուսումնասիրության ենթարկվող Սևանի պրոբլեմի արմատական լուծման համար Դա մի խոշոր, առաջընթաց քայլ է Սովետական Հայաստանի հետագա դինամիկ ու համակողմանի զար-

Սևանի պահպանության համար կարևոր նշանակություն ունի ՍՄԿԿ Կենտկոմի և ՍՍՀՄ Մինիստրների խորհրդի մեկ այլ որոշումը՝ «Սևանա լճի բնական ոռոգումների պահպանման և ոռոգողական օգտագործման միջոցառումների մասին» (1978 թ. սեպտեմբերի 28): Կուսակցության և կառավարության այդ համատեղ որոշմամբ նախատեսված է 1979—1985 թթ. կառուցել Սևանա լճի ջրի մակարդակի բարձրացումն ու էկոլոգիական ունեցիկի բարելավումն ապահովող ջրամբարներ ու ջրատնտեսական այլ օբյեկտներ: Լրացուցիչ 200 միլիոն խորանարդ մետր ջրով, որը կստանա Սևանը, հենց ծառայում է այդ նպատակին¹³: Այս ամենը ցույց է տալիս, որ ուսումնասիրության ենթարկվող Սևանի պրոբլեմի արմատական լուծման համար Դա մի խոշոր, առաջընթաց քայլ է Սովետական Հայաստանի հետագա դինամիկ ու համակողմանի զար-

13 Միջոցառումների շարքում էական նշանակություն ունի Որոտան գետի հոսքի մի մասը Արփա գետը շուտ տալու ջրատեխնիկական կառուցվածքների համալիրի շինարարությունը: Կարևոր են նաև Սևանա լճի ավազանի մթնոլորտային տեղումներն արհեստականորեն ավելացնելու աշխատանքները: Սակայն այստեղ շարքում է աչքաթող արվեն ծրագրվող միջոցառումները: Իրականացման հետ կապված հնարավոր բացասական էկոլոգիական հետևանքների կանխատեսումն ու կանխումը: Չէ որ մթնոլորտն ինքնին վերցրած մի ամբողջական համակարգ է և նրա մի մասում կատարվող փոփոխությունները շղթայական ռեակցիայի ուժով կարող են պայմանավորել նաև մեծ մասշտաբների հասնող անցանկալի պրոցեսներ:

Մթնոլորտային տեղումներն արհեստականորեն ավելացնելու նախապատրաստական աշխատանքների մասին տե՛ս Լ. Փիլիմոնով, «Наши» дожди над Севаном («Вокруг Света», 1979, № 7, էջ 2—5); Е. Федоров, Н. Вульфсон, Дождь по заказу («Коммунист», 13.IX.1979):

զացման ձանապարհին, քանի որ առանց էկոլոգիական նախադրյալների, իսկապես, այդպիսի դարգացումը տեղական լինելի կարող է:

Սովետական Հայաստանում շրջապատող բնական միջավայրի պահպանության մյուս կարևոր ուղղությունը հանրապետության օդային ավազանը ապականումից ու թունավորումից զերծ պահելն է: Մինչև 1980 թ. քիմիական արդյունաբերության ծավալը մեծանալու է 39%-ով, իսկ կապիտալ ներդրումները կազմելու են 339 միլիոն ռուբլի: Այս պայմաններում շրջապատող միջավայրը քիմիական զաղերից ու փոշիներից հեռու պահելու համար արտադրության ոլորտից հանվում են առավել վտանգավոր տեխնոլոգիական պրոցեսները: Օրինակ, 1980 թ. Հայկական ՍՍՀ տնտեսական և սոցիալական պարզացման պլանով նախատեսված է դադարեցնել կալցիումի կարբիդի արտադրությունը «Նաիրիտ» գիտաարտադրական միավորումում: Իսկ ՍՄԿԿ Կենտրոնական Կոմիտեի և ՍՍՀԻՄ Մինիստրների խորհրդի ընդունած որոշումը՝ «Հրազդանի լեռնաքիմիական կոմբինատի շինարարությունը դադարեցնելու մասին» (1977 թ.) հանրապետություններ է բացում մեր հանրապետության կենտրոնական շրջանները, այդ թվում և առողջարանային գոտիները, թունավորման վտանգից զերծ պահելու համար: Իսկապես, տարիներ առաջ Հրազդանի լեռնաքիմիական կոմբինատի տեղաբաշխումը հիմնավորվել է միայն հումքի մոտիկությամբ, այսինքն տնտեսական գործոնով, սուանց էկոլոգիական գործոնը հաշվի առնելու: Մինչդեռ այդ կոմբինատի արտադրական պրոցեսների ժամանակ առաջացող ցեմենտի փոշին և քիմիական նյութերը բամու միջոցով տարածվում են ոչ միայն Հրազդանի շրջանում, որտեղ գտնվում են հանրապետության առողջարանային մի քանի կենտրոններ (Սաղկաձորը, Լճաբերկի հովիտը և այլն), այլև ավելի հեռու: Ուստի անհնազանդության է տնտեսական արդյունավետության բարձրացումը ապահովել էկոլոգիական միջավայրի ապականման հաշվին: Վերջինս անվերապահորեն անընդունելի լինելով սոցիալական շահերի տեսանկյունից, ի վերջո անընդունելի է նաև տնտեսական շահերի տեսանկյունից:

Մանրագնին վերլուծելով և համադրելով Հրազդանի լեռնաքիմիական կոմբինատի դործառության տնտեսական և սոցիալ-էկոլոգիական ասպեկտները, միանգամայն հիմնավորված ձևով որոշվեց դադարեցնել նրա շինարարությունը: Կուսակցության և կառավարության համատեղ որոշմամբ «կոմբինատի կավահողի և քիմիական նյութերի արտադրության համար կառուցված օբյեկտները վերասարքավորվում են արտադրության բարձր կուլտուրայով և տեխնոլոգիական նորագույն սարքավորումներով դինված մեքենաշինական ձեռնարկության:

Առաջիկա տարիներին ցեմենտի արտադրության համապատասխան լրացուցիչ կարողություններ ստեղծելուց հետո հանրապետություն կընձևովի լուծելու նաև Հրազդանում ներկայումս գործող ցեմենտի արտադրությունը փակելու հարցը¹⁴: Անհրաժեշտ է ավելացնել, որ Հրազդանի լեռնաքիմիական կոմբինատի շինարարության դադարեցումը մարդկային գործունեության անօտանկալի միջնորդավորված հետևանքների հաշվառման ուսանելի օրինակ է:

¹⁴ Սովետական Հայաստան, 21. X. 1977:

Հանրապետության օդային ավազանը մաքուր պահելու հարցում խիստ կարևոր է նաև հին տեխնոլոգիական պրոցեսների փոխարինումը էկոլոգիական տեսանկյունից նպատակահարմար լուծումներով: Տվյալ դեպքում խնդիրը հանդում է արտադրության պրոցեսում մթնոլորտ արտանետվող զաղերի և փոշու կորզմանը: Այդ ուղղությամբ աշխատանքներ են կատարվում նրանում (փոշեկլանիչ սարքավորումների գործարկում Քանաքեռի ալյումինի գործարանում), Լիարատում, Լիավերդում, Կիրովականում: Վերականգնողական կոմբինատում նոր տեխնոլոգիայի ներդրման շնորհիվ զաղարել է ռետորային զաղերի (տեխնոլոգիական ցիկլի յուրօրինակ թափոններ) մթնոլորտ արտանետումը: Այդ զաղերը կրկին անգամ մտցվում են տեխնոլոգիական ցիկլի մեջ և դարձել են ամիակի ու կարբամիդի արտադրության համար օգտակար և էժան հումք: Դրա հետ մեկտեղ, արդեն օդային ավազան չի բնկնում վնասակարազույն արտանետվածքը՝ ածխածնի երկօքսիդը (որը կազմում է կոմբինատի բոլոր վնասակար արտանետվածքների 60 տոկոսը)¹⁵, Լյսպիսով, տեխնոլոգիական ծագում ունեցող զաղն ու փոշին մի կողմից դառնում են երկրորդային հումք, իսկ մյուս կողմից՝ զաղարում են ապականել միջավայրը և կործանարար ազդեցություն գործել կենդանական ու բուսական աշխարհի վրա: Հանրապետության օդային ավազանի մաքրության պահպանման նպատակով ընթացիկ հնգամյակում հատկացված գումարը կազմում է 25 միլիոն ռուբլի¹⁶:

Արդեն նշվեց, որ Սովետական Հայաստանը սակավահող է: Ահա թե ինչու մեր հանրապետությունում էկոլոգիական քաղաքականության մյուս հիմնական ուղղությունը հողի պաշտպանությունն է ոչ միայն արդյունաբերական թափոններով թունավորումից, այլև էոլոգիայից: Թե որքան կարևոր է այդ աշխատանքը, վկայում է հետևյալ փաստը. 1960 թվականի համեմատությամբ 1978 թվականին Հայկական ՍՍՀ-ում գյուղատնտեսական հողատեսքերը կրճատվել են 35 հազար հեկտարով¹⁷: Ընդհանրապես պետք է նկատի ունենալ մեր հանրապետությունում բնական և մարդու գործունեությամբ պայմանավորված էոլոգիոն պրոցեսների ինտենսիվությունն ու մասշտաբները: Հայաստանի կոմկուսի XXVI համագումարում ասվեց, որ միջոցառումների լայն չափակարգ է նախատեսված 320 հազար ուս հողային տարածությունների էոլոգիան կանխելու համար: Այդ նպատակով անտառապաշտպան շերտն ավելանալու է 2500 հա-ով: Համադրումարից հետո անցած ժամանակամիջոցում մշակվել ու իրականացվել են հակաէոլոգիոն նաև այլ միջոցառումներ: Ընթացիկ հնգամյակում Հայաստանում հողերի պահպանման աշխատանքների ֆինանսավորման ընդհանուր գումարը կազմում է 15 միլիոն ռուբլի¹⁸:

Այսպիսով, կարող ենք նշել, որ Սովետական Հայաստանում բնության պահպանության և նրա հարստությունների արդյունավետ օգտագործման բնագավառներում զգալի աշխատանքներ են կատարվել: Դրա հետ մեկտեղ

¹⁵ Ա. Ա. Արաքելյան, Научно-технический прогресс в СССР, Ереван, 1978, էջ 115—116:

¹⁶ «Հայրենիքի ձայն», 12. I. 1977:

¹⁷ «Սովետական Հայաստան», 14. VI. 1979:

¹⁸ «Հայրենիքի ձայն», 12. I. 1977:

պետք է ասել, որ ղեկավարական թերություններ, չլուծված հարցեր: Այսպես, սրինակ, նվաճ բնագավառներում պետության կողմից տրամադրվող կուպիտալ ներդրումները զանգաղ են իրացվում: Թույլ է անտեսական մարմինների, հիմնարկ-ձեռնարկությունների և կադմակերպությունների կողմից կուսակցության և կառավարության որոշումների կատարման նկատմամբ վերահսկողությունը: Անբավարար է նաև իրավապահական մարմինների կատարած աշխատանքը, որը բարոյական և նյութական մեծ վնաս է պատճառում բնության պապանության և նրա հարստությունների արդյունավետ օգտագործման պետական կարևորություն ունեցող գործին:

Սովետական Հայաստանի սրինակով վերստին համոզվում ենք, որ մեր երկրում հսկայական նշանակություն է տրվում ժամանակակից էկոլոգիական պրոբլեմների լուծմանը՝ տնտեսական ու սոցիալական դարգուցման ծրագրերի իրականացման կարևորագույն նախապայմաններից մեկին: Ավելին, բնության պապանության և բնական ռեսուրսների արդյունավետ օգտագործման ու վերարտադրության ապահովումը, որը ներկայացնում է կուսակցության էկոլոգիական քաղաքականության հիմնական բովանդակությունը, էլնում է ներկա և ապագա սերունդների կենսական շահերից. ծառայում է սոցիալական հեղափոխության վերջնական խնդիրների լուծմանը:

РЕШЕНИЕ ЭКОЛОГИЧЕСКИХ ПРОБЛЕМ В СОВЕТСКОЙ АРМЕНИИ

ШИРАЗ МАРТИРОСЯН

Резюме

Решению современных экологических проблем большое внимание уделяется как в Союзе в целом, так и в Советской Армении. Основные направления и главные задачи экологической политики в нашей республике были определены на XXVI съезде КП Армении. В десятой пятилетке претворение в жизнь экологических мероприятий имеет целью предотвращение или сведение к минимуму загрязнение окружающей среды—водного и воздушного бассейнов и почвы.

Среди главных задач выделяется проблема сохранения и рационального использования природных ресурсов самого большого на Кавказе водного бассейна—озера Севан. Постановление ЦК КПСС и Совета Министров СССР от 28 сентября 1978 года определяет те основные мероприятия, которые позволяют достичь намеченной цели. Большие работы ведутся также в таких промышленно развитых городах, как Ереван, Кировакан и Алаверди, где имеет место загрязнение воздушного бассейна. Претворяются в жизнь и мероприятия по предотвращению антропогенной эрозии скудных почвенных ресурсов.

На примере Советской Армении можно убедиться, что в нашей стране многое делается для сохранения природной среды и рационального использования ее ресурсов—одной из основных предпосылок дальнейшего экономического и социального развития нашего общества.